



O'ZBEKISTON

BUNYODKORI

№35 (788) 2024 йил 23 апрель, сешанба

СТРОИТЕЛЬ УЗБЕКИСТАНА

uzbunyodkor t.me/uzbunyodkor uzbunyodkor info@uzbunyodkor.uz uzbunyodkor.uz

Газета 2016 йил 2 августдан ҳафтанинг сешанба ва жума кунлари чиқади.

Замонавий ўқув биноси ёшларга тўхфа



Фарғона жамоат саломатлиги тиббиёт институтининг янгидан барпо этилган ўқув биноси фойдаланишга топширилди. Очилиш маросимида тиббиёт соҳаси масъуллари, талабалар, меҳмонлар ҳамда кенг жамоатчилик вакиллари иштирок этди.

Бугун ёшларимизга ҳар томонлама ҳавас қилса арзийди. Уларнинг ўқиб-изланишлари, ўз соҳасининг етук мутахассислари бўлиши йўлида барча шароит яратилиб, имкониятлар ишга солиноқда. Хусусан, Фарғона вилоятидаги олий ўқув юртлири ичида ўз ўрнига эга бўлган мазкур институтда талабалар учун кенг имкониятлар ашиги очилляпти.

Ушбу олий ўқув юрти Президентимизнинг 2020 йил 3 декабрдаги "Фарғона жамоат саломатлиги тиббиёт институтини ташкил этиш тўғрисида"ги қарори асосида ташкил этилган. Олийгоҳдан Зулфия номидида Давлат мукофоти, Президент ва

қатор номдор стипендиялар соҳиблари етишиб чиқмоқда. Хорижий давлатлардаги ёшларнинг бу ерда таҳсил олишга қизиқиши ошаётгани унинг нуфузи тобора ортиб бораётганидан далолатдир.

Ёшларга тўхфа этилган ўқув биноси, яъни замонавий кампус учун 20 миллиард сўм маблаг сарфланди. Шунинг алоҳида таъкидлаш лозимки, жами 200 ўринли конференц зал, 2000 нафар талабани қамраб олишга мўлжалланган 3 қаватли ўқув бинолари, янги спорт майдони, 300 ўринли янги талабалар ресторони, талабалар турар жойи фойдаланишга топширилди.

– Ҳаётда инсон саломатлигидан муҳимроқ нарсаси йўқ, – деди институт ректори Акмал Сиддиқов ЎзА муҳбири Маъсуджон Сулаймоновга. – Шу боис тиббиёт соҳасида малакали, профессионал мутахассисларни тайёрлаш долзарб вазифа саналади. Албатта, бунда жаҳон стандартлари асосида ўқитишни йўлга қўйиш, талабалар учун замонавий шароитларни яратиб бериш керак. Институтимизда бунёд этилган мазкур бино ана шу йўлдаги эзгу ишлардан биридир. Ўтган даврда институтнинг кўп тармоқли клиникаси ташкил этилди. Бу эса талабалар ва профессор-ўқитувчиларнинг назарий, амалий ва клиник кўникмаларини ривожлантиришда муҳим аҳамият касб этмоқда. 2022 йилдан олийгоҳда жаҳон талаблари асосидаги таълим дастурлари асосида ўқитиш йўлга қўйилди. Ўтган йилда Ҳиндистон, Покистон, Хитой, Россия, Норвегия каби давлатлардан жалб қилинган ва асосий иш ўрнида

фаолият олиб бораётган хорижлик профессор-ўқитувчилар сони 18 нафарни ташкил этди ва хорижлик талабалар сони минг нафарга етказилди. Бу орқали вилоятимизга 40 миллиард сўм инвестиция жалб қилинди. 2022 ва 2023 йил якунлари бўйича нуфузли халқаро рейтингларда институт ТОП-1000 та олийгоҳ орасида эътироф этилди. Фарғона вилояти олий таълим муассасалари орасида биринчи бўлиб "Даволаш иши" таълим дастурини халқаро аккредитациядан ўтказди. Энди ушбу олийгоҳ битирувчилари дипломи бутун дунёда тан олинади.

Тадбир иштирокчилари талабалар учун янги бинода яратилган шароитлар билан танишди. Неоклассик услубдаги замонавий аудиториялар, тиббий таълим олиш учун ўрнатилган асбоб-ускуналар юртимизда ёшларга кўрсатилаётган юксак эътиборни яна бир қарра тасдиқлаб турибди.

Асосий талаб – аҳолига сифатли хизмат кўрсатиш

Бугунги кунда Самарқанд вилоятида 84 минг хонадондан иборат 2300 дан ортиқ кўп қаватли уй мавжуд. Бу уйларда яшовчи аҳолига коммунал хизмат кўрсатиш, улар учун қулай турмуш шароити яратишда коммунал хўжалик ташкилотларининг муносиб ўрни бор.

– Кейинги йилларда уй-жой коммунал хизмат кўрсатиш соҳаси тубдан такомиллашди, – деди Самарқанд вилояти қурилиш ва уй-жой коммунал хўжалиги бош бошқармаси бошлиғи ўринбосари Баҳодир Негматов ЎзА муҳбири Ғолиб Ҳасановга. – Аҳолига сифатли ва замон талабларига мос хизмат кўрсатишга эҳтиёж ошди. Айниқса, кўп қаватли уйларда яшовчилар учун сифатли ва тезкор хизмат кўрсатиш асосий талаблардан бирига айланди. Аввало уй-жой коммунал хўжалиги бошқарма ва бўлимлари ташкил этилди. Аввалги ширкатлар ўрнида бошқарув сервис компаниялари тузилди. Албатта, ҳали бу борадаги ишлар тўла-тўқис амалга оширилди, деб айтолмаймиз. Аммо дастлабки ҳаракатлар ўз самарасини бераётгани ҳақиқат.

Вилоятимизда ҳам айна пайтда 43 та бошқарув сервис компанияси томонидан кўп қаватли уйларда яшовчи аҳолига хизмат кўрсатилмоқда. Жумладан, Самарқанд шаҳрида 20 та, Каттақўрғон шаҳрида 6 та ва қолганлари бошқа туманларда фаолият олиб борапти.



Бошқарув сервис компанияларининг самарали ишлаши учун давлатимиз томонидан бир қатор имконият ва имтиёзлар берилиши улар моддий-техника базасини мустаҳкамлаш, сервис хизмати кўрсатиш сифатини оширишга ёрдам бермоқда.

Мисол учун, Самарқанд шаҳридаги 58 та уй-жой мулкдорлари ширкати бошқарувида бўлган кўп квартиралли уйлар "Биотехсервис" бошқарув сервис компаниясига ўтказилган эди. Ҳозир ушбу ташкилот томонидан шаҳардаги 343 та кўп қаватли уйга хизмат кўрсатилмоқда. Жорий йилда вилоятдаги бошқарув сервис компаниялари томонидан 189 та кўп квартиралли уй-жойни мукамал ва жорий таъмирлаш режалаштирилган. Бундан ташқари, Самарқанд шаҳридаги 17 та уйнинг 42 та лифт ускунаси янгисига алмаштирилади.

Кўп қаватли уйларга сифатли хизмат кўрсатиш ҳақида гап кетганда ҳозир туманлардаги ўтган асрда қурилган икки ва уч қаватли коммунал уйларда кўп муаммолар юзга келаётганини таъкидлаш лозим. Бу уйларнинг аксариятида ички коммуникация тизимлари муддатини ўтаб бўлган ва уларни янгилаш зарурати юзга келмоқда. Қолаверса, бу уй-жойлар бугун қурилаётган кўп қаватли уйлар олдига анча кўрimsиз бўлиб қолмоқда ва, энг асосийси, аҳолининг талабларига тўла жавоб бермайди. Шу боис хонадон эгалари билан маслаҳатлашган ҳолда бу уйларни капитал таъмирлаш ва қулай турмуш шароити яратишга киришилмоқда. Бир қатор туманларда бу борадаги ишлар бошланди.

Оилавий боғчалар кўпаймоқда

Юртимизда болаларни мактабгача таълим ташкилотларига қамраб олишга алоҳида эътибор қаратилмоқда. Бунда нодавлат мактабгача таълим ташкилотлари фаолиятини йўлга қўйиш муҳим аҳамият касб этади.

Нурота тумани Тинчлик маҳалласи Болташовдир қишлоғида яқка тартибдаги тадбиркор Э. Пўлатов томонидан 25 ўринли оилавий нодавлат мактабгача таълим ташкилоти ташкил этилди.

Туман ҳокимлиги, прокуратура ва туман мактабгача ва мактаб таълими бўлими мутасаддилари, қишлоқ фахрийлари ва маҳалла фаоллари иштирок этган тадбирда сўзга чиққанлар тизимда амалга оширилаётган ишлар, болажонлар учун яратилаётган шароитлар ҳақида гапирди.

Мазкур мактабгача таълим ташкилотида 4 та янги иш ўрни яратилган бўлиб, болажонларга барча шароит мўҳайё этилган.

Шунингдек, Қизилтепа тумани Тожиқон маҳалласида ҳам яқка тартибдаги тадбиркор Н.Нуриллаева томонидан 50 ўринли "Бинафшажон" номи оилавий нодавлат мактабгача таълим ташкилоти ташкил этилди, деб хабар қилади ЎзА муҳбири Абдували Бўриев.

Боғчада 5 та янги иш ўрни яратилган бўлиб, болажонларга инглиз ва рус тиллари ҳам ўргатилиши режалаштирилган.



“Бойсун баҳори”га тайёргарлик ишлари қизғин

Жорий йил май ойининг илк ҳафтасида Бойсун туманида “Бойсун баҳори” халқаро фольклор фестивали бўлиб ўтади.



Вазирлар Маҳкамасининг 2022 йил 7 февралдаги “Бойсун баҳори” халқаро фольклор фестивалини ташкил этиш ва ўтказиш чора-тадбирлари тўғрисида”ги қарорига мувофиқ ўтказиладиган ноёб ва нафис санъат байрами бу йил тамомила янги шуқуҳ ва янги ҳаёт услубида, юксак бадиий савияда ўтказилади.

Фестивални юқори даражада ўтказиш учун сўлим тоғлар қўйнидаги Биби-ширин маҳалласида замонавий туристик маскан барпо этилмоқда. Бу ерда беш қаватли, тўрт юлдузли муҳташам меҳмонхона, йирик сахна, амфитеатр, вилоятлар кўргонлари учун жой, этносспорт майдончалари ва бошқа инфратузилма иншоотлари қад ростлади. Утовлар ўрнатилиб, Термиз шаҳри, туманлар ва вилоят ташкилот ҳамда муассасаларининг кўргонлари ташкил этилмоқда.

Вилоят ташкилий қўмитасидан олинган маълумотларга кўра, ҳозиргача 20 дан ортиқ давлатдан фестиваль кўрик-танловида иштирок этиш таклифи келиб тушган. Умуман, 40 дан ортиқ мамлакатдан юздан зиёд фольклор санъати усталари, фольклоршунослари, номоддий маданий мерос шинавандлари ва сайёҳлар келиши кутилмоқда.

Вилоят ҳокими Улуғбек Қосимов Бойсун туманида бўлиб, туристик масканда амалга оширилаётган сўнгги қурилиш-ободонлаштириш ишлари билан танишди. Кўргонларнинг жойлашуви, ўтовлар ўрнатилиши ва янги йўл қурилишини кўздан кечирди. Мутасад-

диларга йўл қурилишини якунлаш, ўтовларни миллий қадрият ва аъённаларимизга мос жиҳозлаш, фестиваль кунлари турли халқ ўйинлари, танловлар ташкил этишга пухта ҳозирлик қўриш, хорижлик сайёҳлар учун тарихи узоқ ўтмишга бориб тақаладиган туристик объектларга мароқли саёҳатлар уюштириш, уларга сифатли хизматлар кўрсатиш юзасидан тегишли топшириқлар берди.

Фестивалнинг халқаро кўрик-танлови фольклор ҳамда миллий халқ ўйинлари ва томоша санъати йўналишларида ташкил этилади. Нуфузли танловда фахрли биринчи ўринни эгаллаган жамоа 3 минг 500, иккинчи ўрин соҳиблари 2 минг 500 ва учинчи ўринни қўлга киритган фольклор ҳамда миллий халқ ўйинлари ва томоша санъати усталари 1 минг 500 доллар миқдориди пул мукофоти ва эсдалик совғалар билан тақдирланади.

Совриндорларга, шунингдек, махсус диплом, сертификат ва халқаро фестиваль статуеткаси топширилади, деб хабар қилади ЎзА муҳбири Холмўмин Маматрайимов.

Қадимий ва ҳамиша навқирон Сурхон воҳасининг осмонупар тоғлар қўйнидаги сўлим Бойсун туманини ЮНЕСКО 1999 йил “Жаҳон халқ ижодиёти дурдонаси”, деб эълон қилган. 2001 йил ЮНЕСКОнинг “Инсоният номоддий маданий мероси” репрезентатив, 2008 йил “Умумжаҳон мероси” руйхатига киритилган.



Қашқадарёда хусусий тиббиёт муассасаси яна биттага кўпайди



Қарши шаҳрида 250 ўринли “Жавоҳир Медикал” клиникаси фойдаланишга топширилди.

Президентимиз томонидан соғлиқни сақлаш соҳасини ислоҳ қилиш, тиббиётни аҳолига янада яқинлаштириш, бу борада хусусий сектор ролини ошириш бўйича қатор ислохотлар амалга оширилмоқда. Хусусан, лицензия беришнинг соддалаштирилгани, солиқ ва божхона имтиёзларининг жорий этилгани хусусий тиббиёт муассасалари фаолиятини кенгайтириш ва ривожлантиришга катта имконият бермоқда.

Давлатимиз раҳбари томонидан тизимга берилган эътибор ва яратилган имкониятлар натижасида вилоятда хусусий тиббиёт муассасалари сони 702 тага етди.

Маълумотларга кўра, хусусий стационар клиникалар сонининг 2017 йилдаги 22 тадан 138 тага етгани вилоят аҳолисига янада қулайлик яратиш билан биргаликда давлат тиббий муассасаларидаги юқламаларни камайтиришга хизмат қилмоқда.

Ўтган йилда хусусий клиникаларда 2 миллион нафарга яқин, жорий йилнинг уч ойи давомида 600 мингдан ортиқ бемор даволангани тизимга ишончининг ортиб бораётганини кўрсатади.

Фойдаланишга топширилган “Жавоҳир Медикал” клиникаси қарийб 200 миллион сўм маблағ ҳисобидан ташкил этилган бўлиб, 250 ўринга мўлжалланган. Мазкур клиниканинг фойдаланишга топширилиши муносабати билан 250 дан ортиқ янги иш ўрни яратилди.

Янги клиника Европанинг энг сўнгги русумдаги МРТ, МСКТ, рентген, лаборатория аппаратлари билан жиҳозланган.

Клиникадаги МРТ аппарати, нафақат вилоят, балки, республикадаги тиббиёт муассасаларида ҳам санок. Бу ерда 20 дан ортиқ юқори технологик операцияни бажариш имконияти мавжуд.

Клиниканинг тантанали очилиш маросимида вилоят ҳокими Муротжон Азимов иштирок этиб, тадбиркор ва унинг ота-онасига ўз ташаккурларини билдирди, деб хабар қилади ЎзА мухбири Улмас Баротов.

Очилиш маросимига таширф буюрган меҳмонлар клиникада яратилган шарт-шароитлар билан яқиндан танишди.

Ижтимоий ҳимояга муҳтож фуқаролар бандлиги таъминланди



Азиз МАШРАБОВ, “O‘zbekiston bunyodkori” мухбири.

Ангор туманидаги “Ишга марҳамат” мономарказида “Аёл ва шодлик” нодавлат-нотижорат ташкилоти, Ижтимоий ҳимоя миллий агентлиги вилоят бошқармаси, Ангор тумани “Инсон” ижтимоий хизматлар маркази томонидан Ангор, Шеробод, Музработ туманларида яшовчи ижтимоий ҳимояга муҳтож аёллар билан очиқ мулоқот ташкил қилинди.

Ушбу очиқ мулоқотнинг асосий мақсади – Асқоннинг Франция тараққиёт агентлиги (ФТА) ва Швейцария ҳукумати томонидан молиялаштирилган “Марказий Осиё, Ўзбекистонда зўравонлик хавфи остида бўлган ва зўравонликка учраган аёлларни қўллаб-қувватлашда фуқаролик жамияти салоҳиятини кучайтириш” лойиҳаси доирасида ижтимоий ҳимояга муҳтож аёлларни қасбга йўналтириш, бандлигини таъминлашдан иборат. Шу боис, тадбирда аёлларга аҳолининг ижтимоий ҳимояга муҳтож қатламларида яратилган имконият ва ижтимоий хизматлар, кредитлар, микрокредитлар ва имтиёзли кредитлар ажратиш тартиблари ва шартлари тўғрисида, кишлоқ жойларда яшовчи ишсиз аёлларни ишга жойлаштириш, ўзини-ўзи банд қилганлар учун имтиёзлар, юридик ва жисмоний шахслар учун солиқ тўловлари ва солиқ имтиёзлари, тадбиркорлик субъектларини давлат рўйхатидан ўтказиш тартиблари мутахассислар томонидан тушунтирилди.

Шунингдек, лойиҳа доирасида ўтказилган “Бизнес режалар” грант танловида ғолиб бўлиб, тадбиркорлик фаолиятини бошлаётган 33 нафар аёлни асбоб-ускуна ва хомашё билан таъминлаш учун сертификатлар топширилди. Лойиҳа 2022 йилдан буён Ангор, Шеробод, Музработ туманларидаги 30 та маҳаллада амалга оширилмоқда. Ушбу 30 та маҳаллада “Реинтеграция” дастури асосида 18 та жойда ижтимоий ҳимояга муҳтож аёлларга 6 кунлик тренинглар ўтказилди. Тренингларда аёллар тадбиркорлик ҳамда бандлигини таъминлаш бўйича ўқитилди. Дастур доирасида 165 нафар аёл ўртасида “Бизнес режалар” кичик грант

танлови ҳам ташкил қилинди. 33 нафар ғолибга чорвачилик, паррандачилик, тикувчилик, қандолатчилик, аёллар саргарошлиги, аҳолига компьютер хизмати кўрсатиш йўналишида 25-30 млн сўмлик асбоб-ускуна ҳамда хомашё маҳсулотлари олиб бериш учун сертификатлар топширилди.

– Президентимиз ташаббуси билан эндиликда бутун республика бўйлаб давлат муассасалари, вазирликлар, тизим ташкилотлари ва ҳокимликларда 20 минг нафар ногиронлиги бўлган шахсларни ишга жойлаштириш бўйича доимий равишда очиқ танлов эълон қилиб борилади, – деди Ангор тумани “Инсон” ижтимоий хизматлар маркази раҳбари Илҳом Мустарамов. – Шунга кўра, Ўзбекистон Республикаси Президенти ҳузуридаги Ижтимоий ҳимоя миллий агентлиги қатор давлат идоралари билан биргаликда ногиронлиги бўлган шахслар бандлигини таъминлаш мақсадида маҳалладаги хотин-қизларнинг қонуний манфаатларини ёқола этиш, уларнинг муаммоларини ўз вақтида аниқлаш, оғир ижтимоий аҳволга тушиб қолган хотин-қизлар, шу жумладан, ногиронлиги бўлган аёлларнинг манзилли рўйхатини тузишмоқда. Улар учун “ИНСОН” ижтимоий хизматлар кўрсатиш маркази томонидан психологлар гуруҳи ташкил этилиб, психологик, юридик хизмат ҳамда моддий ёрдам кўрсатилаяпти.

Бу каби ишлардан қўланган асосий мақсад, ижтимоий ҳимояга муҳтож, ногиронлиги бор фуқаролар бандлигини таъминлаш орқали уларни жамиятга тўлақонли оқиб кириш, иқтисодий мустақилликка эришиши ва ижтимоийлашувини таъминлашдан иборат.

Магистраль автомобиль йўли таъмирланади

Халқаро аҳамиятдаги М-39 “Олмаота – Бишкек – Тошкент – Шахрисабз – Термиз” магистраль автомобиль йўлининг 1255-1315 километр қисмини таъмирлашга 153,9 млн АҚШ доллари миқдоридаги қарз маблағи ажратилади. Бу ҳақда АОКАда ўтказилган брифингда Автомобиль йўллари қўмитаси ахборот хизмати раҳбари Нилуфар Жумаева маълум қилди.



Халқаро аҳамиятдаги М-39 “Олмаота – Бишкек – Тошкент – Шахрисабз – Термиз” магистраль автомобиль йўлининг 1255-1315 километр (60 километр) қисми 25 минг аҳоли истиқомат қилувчи Деҳқонobod тумани маркази Қорашина шаҳарчасидан ўтган бўлиб, йўл бўйида аҳоли уйлари, мактаблар, коллежлар ва бошқа ижтимоий объектлар зич жойлашган. Ушбу участкада йўл қопламасининг таъмирлаш муддатлари ўтиб кетган (30-32 йил аввал таъмирланган), бугунги кунда йўл қопламаси ва тўшамасининг 30 фоиз қисми тўлиқ бузилган, қолган қисми тўлиқ таъмирталаб. Йўлнинг таъмирталаблиги ва торлиги ундан фойдаланувчи ҳайдовчиларда ҳаракат чоғида ноқулайликлар ва хавф туғдирмоқда.

Ўқоридидаги участкани тўлиқ қайта қуриш мақсадида Автомобиль йўллари қўмитаси томонидан Ислот тараққиёт банки ва ОПЕК халқаро тараққиёт жамғармаси билан биргаликда “М-39 “Олмаота – Бишкек – Тошкент – Шахрисабз – Термиз” автомобиль йўлининг 1255-1315 километр (60 километр) қисмини реконструкция қилиш” лойиҳаси ишлаб чиқилди.

Лойиҳани амалга ошириш мақсадида Ўзбекистон Республикаси ҳамда Ислот тараққиёт банки ва ОПЕК халқаро тараққиёт жамғармаси ўртасида жами 153,9 млн АҚШ доллари миқдоридаги маблағларини ажратиш тўғрисида қарз битимлари имзоланган. Хусусан, Ислот тараққиёт банки ва ОПЕК жамғармаси қарз маблағлари 5 йиллик имтиёзли давр билан 20 йилга ажратилмоқда.

Ўз мухбиримиз.

Янги ГЭСлар сони ортмоқда

Ҳамза ШУКУРОВ, “O‘zbekiston bunyodkori” мухбири.

Мамлакатимиз иқтисодиёт тармоқлари ва аҳолининг электр энергияси билан узлуксиз таъминлаш долзарб вазифалардан биридир. Шунинг учун Президентимиз бу йўналишдаги ишлар ҳақида тўхталар экан, гидро электр станцияларни кўпайтириш муаммога ечим топишда катта аҳамият касб этишини таъкидлаган эди. Бинобарин, кичик ГЭСлар қуриш, яъни, оқаятган сувдан энергия олиш табиатнинг инъоми бўлибгина қолмасдан, бундай қувват қайта тикланиши, экологик тоза ва арзонлиги, атроф-муҳит ландшафти, мусавфолигини бузмаслиги билан ҳам аҳамиятлидир. Айни пайтда жойларда бошланган ташаббус ўз натижасини бериб, электрга бўлган эҳтиёжимизни қоплашда муҳим манба бўлиб хизмат қилмоқда.



Жумладан, Самарқанд вилоятининг Шовдор ва Дарғом каналлари устида барпо этилаётган ГЭСлар фаолияти фикримизнинг аққол исботидир.

– Кичик дарё ва каналлар электр ҳосил қилишда ўзига хос манба ролини ўтаб, муқобил энергияни ривожлантиришнинг энг самарали йўналишига айланилишига рост, – деди “Самарқанд ГЭСлар каскади” унитар корхонаси директори Бахтиёр Пирмуҳаммедов. – Чунки бундай ишоотлар асосан минг киловаттгача қувват берадиган гидро қурилма бўлиб, у трубина, тасмали ва редукторли узатмалар ҳамда асинхрон генератор орқали сув оқимининг босими туфайли ишлаб, арзон энергия ишлаб чиқаради. Биз бу имкониятдан самарали фойдаланиб, ҳудудда қатор ГЭСлар қуриш ва мавжудларини “ақлли” технологияга ўтказиб, модернизация қилишимиз. Айни пайтда Хитойнинг “ТВЕА Со Ltd” компанияси билан ҳамкорликда “Тупаланг холдинг” МЧЖ ишчи-хизматчилари ёрдамида Навзандқ қишлоғида қад ростлаган “Шовдор-1”, “Шовдор-2” ГЭСлари аллақачон ўз фаолиятини бошлаган бўлса, Галаботирда Россиянинг “Силевые машины” АЖ мутахассислари бунёд этаётган ГЭСда сўнгги юмушлар поёнига етмоқда. Бунда бизга “Ўзбекгидроэнерго” АЖ томонидан тасдиқланган дастурлар ва “Гидролойиха” мутахассислари тайёрлаган лойиҳалар асқатмоқда.

Муҳими шундаки, вилоятда бешта ихчам гидроиншоот ишга тушгандан буён минглаб аҳоли хонадони узлуксиз энергия билан таъминлангани катта ютуқ бўлди. Ҳисоб-китобларга кўра, яқин 5-6 йил ичида вилоятда электр энергияси истеъмоли ҳозиргидан икки баравар кўпайиши кутилмоқда. Буни олдиндан англаб етган раҳбарлар бошқа янги ГЭСлар, қуёш ва шамол электр станцияларни ишга тушириш режаларини белгилашаётгани гидро-энергетиклар зиммасига ҳам катта вазифаларни юклаган. Дарғомда эса бунинг учун имкониятлар етарли бўлиб, истиқболда уларни янада кенгайтириш мўлжалланаяпти. Соҳада халқаро ҳамкорлики мустақамлаш ютуқларга кенг

йўл очиши шубҳасиз. Янги лойиҳалар бўйича олиб борилаётган келишувлар доирасида бу ерда бунёдкорлик ишлари давом эттирилиши тахсинга сазовор.

– Бугун республикада яшил энергетикани ривожлантиришга аҳамият қучаётган бир пайтда биз аввалдан фаолият кўрсатган станцияларимизни ҳам замон талабига мослаштириш, илғор технологиялар асосида ишлашини таъминлашга жиддий аҳамият қаратяпмиз, – деди унитар корхона ишлаб чиқариш бўлими бошлиғи Шаҳзод Улмасов. – Шу мақсадда, ўтган асрнинг 60-йилларида қурилган Хишрав ГЭСида йирик модернизация юмушлари амалга оширилиб, қуввати 26,6 МВтга етказилди. 2023 йилдаги режа 122 фоизга бажарилгани ҳам янгиланиш шарофатидир. Инвестиция дастурига мувофиқ, янгиланиш жараёни хитойлик ҳамкасблар томонидан бажарилиб, у тўла замонавий қиёфа касб этди. Натижада Самарқанддаги мавжуд 8 та ГЭСнинг барчаси шу ердан бошқариш тизимига ўтказилди. Бунда бизнинг ёш мутахассислар ҳам фаол қатнашиб, ўз малака ва тажрибаларини оширгани диққатга молик.

Самарқанддаги ГЭСлар фаолияти ҳақида сўз юритганда, тармоқдаги янги ўзгаришларни айтмаслик мумкин эмас. Гап шундаки, бугунги кунда ҳукуматимиз ташаббуси билан жойларда хусусий гидроқурилмалар яратишга ҳам рухсат берилмоқда. Мисол учун, Тайлоқ туманида 500 киловаттгача бўлган 3 та, Дарғом каналининг Ўргут туманидан оқиб ўтувчи қисмида 6 та микро ГЭС қуриш учун лойиҳалар тайёрланди. Шунингдек, Жомбой туманида 2 та, Булунғурда 3 та ва Миёнқол-Хатирчи каналининг Иштихон туманидаги қисмида 2 та мити иншоот қурилиши режалаштирилган тадбиркорларда катта қизиқиш уйғотмоқда. Буларни иқтисодиётнинг энергия самарадорлигини ошириш ва мавжуд ресурсларни жалб этиш орқали тармоқларни ёқилғи-энергетика маҳсулотларига қарамлигини камайтириш йўлидаги сай-ҳаракатлар, дейиш мумкин. Хуллас, бу борадаги ишлар кўлами кенгайиб бормоқда.

УТОЧНЕНИЕ

К ОБЪЯВЛЕНИЮ, ОПУБЛИКОВАННОМУ В
ГАЗЕТЕ “О‘ЗBEKISTON BUNYODKORI”
(№31-32 ОТ 10.04.2024 Г.)

Вносятся изменения следующего содержания:

Номер пакета	Наименование объекта	Срок строительства
MOEI-RIDP-SYR-W-27	Реконструкция здания ДОУ №9 в МСГ «Коракум» Хавастского района Сырдарьинской области	120 календарных дней
Номер контракта	Наименование объекта	Залоговое обеспечение
MOEI-RIDP-SYR-W-27	Реконструкция здания ДОУ №9 в МСГ «Коракум» Хавастского района Сырдарьинской области	22 500 000 сум

Остальные части объявления остаются без изменений.

БОҚИЙ БУХОРОДАГИ БУГУНГИ ЎЗГАРИШЛАР

Бухоро – ўтмиш ва замонавий архитектурани ўзида уйғунлаштирган ҳолда тобора чирой оцаётган вилоят сифатида юртимиз тараққиётида муносиб ўрин эгаллаб келмоқда. Хусусан, боқий шаҳарда барпо этилаётган янгидан-янги иншоотлар, замонавий қиёфада қад ростлаётган турар жой ва ижтимоий соҳа объектлари, яратилаётган қўлай шароитлар аҳоли кайфиятига ҳам ижобий таъсир кўрсатмоқда. Ўзгаришлардан мамнун бухороликлар қалбида ҳам яратувчанлик ҳисси жўш уриб, ҳудуд ривожига ўз ҳиссасини қўшишга ундамоқда.

Тиббиёт институтида клиника очилди



Президент Шавкат Мирзиёев ташаббуси билан мамлакатимизда соғлиқни сақлаш тизимида амалга оширилаётган изчил ислохотлар аввало, инсон ҳаётини муҳофазалаш, ҳуқуқ ва манфаатларини таъминлаш, фуқаролар саломатлигини мустаҳкамлаш, уларнинг ҳаётдан рози бўлиб яшашларига хизмат қилиши билан аҳамиятли. Зеро, дунёда касб-кор кўп, аммо инсон ҳаёти ва саломатлиги учун қайғурадиган, умри мазмунли ва бардавом бўлиши учун жон куйдирадиган, ўзлари жонбозлик кўрсатиб, бошқаларга ҳаёт баҳшида қиладиган шарафли касб эгалари бу шифокорлардир.

Давлатимиз раҳбари ташаббуси билан Бухоро вилоятида Абу Али ибн Сино номидаги Бухоро давлат тиббиёт институтининг янги ва муҳташам кампуси қурилиб, фойдаланишга топширилгани хайрли ташаббус ва эътиборнинг амалий ифодаси десак, муболаға эмас. Яқинда мазкур муассасанинг яна бир қуввати, талабалар амалиётига катта майдон, ҳозирги замон талабларига тўла жавоб берадиган янги клиниканинг очилиш маросими тантанана айланди. Жамоатчилик вакиллари, вилоят соғлиқни сақлаш тизими мутахассислари, олий таълим даргоҳи педагог жамоаси ва ёшлар, оммавий ахборот воситалари вакиллари иштирок этган тадбирда вилоят ҳокими Ботир Зарипов сўзга чиқиб, барчани замонавий тиббиёт клиникаси билан самимий табриклади.

Замонавий услубда барпо этилган клиника илгор тиббий ускуналар билан жиҳозланган бўлиб, юқори технологик даволаш усулларини амалга ошириш имкониятини беради. Муассасада беморлар даволаниши, тиббий ходимлар фаолиятини яратиш, талабаларнинг тўлақонли билим олишлари учун барча шарт-шароит яратилган. Бир пайтда 200 нафар стационар ва 300 нафар беморга амбулатор ёрдам кўрсатиш имкониятига эга мазкур тиббиёт клиникаси лойиҳаси умумий қиймати 65 миллиард сўмга молиялаштирилган бўлиб, муассасани талаб даражасида жиҳозлаш учун 55 миллиард сўм маблағ сарфланган.

Эндиликда муассасада нейрорехирургия, травматология, кардиохирургия, бош мия ўткир қон айланishi бузилиши, эндоурология, реконструктив жарроҳлик, интервенцион кардиология соҳаларида юқори технология тиббий амалиётларга муҳтож беморларга малакали тиббий

хизмат кўрсатиш имконияти яратилган. Бу эса хорижга ёки бошқа олис ҳудудларга бормасдан, шу ернинг ўзида жаҳон андозалари даражасидаги тиббий хизмат кўрсатиш ва инсон саломатлигини тиклаш учун сарфлайдиган маблағини тежаш имконини беради.

Яна бир янгилик, келгусида бу клиникада мураккаб технологик жарроҳлик операциялари, буйрак, жигар ва юрак трансплантацияларини амалга ошириш учун жиддий қадам ташланмоқда. Клиникадаги малакали шифокорларнинг бош мақсади эса нафақат Бухоро вилояти, балки Навоий, Қашқадарё, Сурхондарё, Хоразм вилоятлари аҳолисининг узоғини яқин қилиш, дардига малҳам бўлиш, даво топшидир.

Замонавий тиббиёт клиникасининг очилиш маросимида Бухоро давлат тиббиёт институтининг ҳалқаро ҳамкорларидан Туркия соғлиқ билимлари университети Евроосиё соғлиқни сақлаш ва ижтимоий фанлар тадқиқот маркази директори Айнура Фейзи ўғли, Болтиқбуйи федерал университети профессори, тиббиёт фанлари доктори Михаил Агаповлар сўзга чиқиб, илгор технологияга эга муассасанинг моддий-техник имкониятини юқори баҳоладилар.

Таъкидланганидек, бундан мақсад – тиббиёт асосчиси, буюк мутафаккир Абу Али ибн Сино таваллуд топган заминда тиббиётнинг сўнгги ютуқ ва имкониятларини кенг қўллаш баробарида соҳага оид IT – замонавий ахборот технологияларидан фойдаланиш, тиббиёт ривожига хизмат қиладиган ёш мутахассис кадрларини тайёрлаш, улар малакасини ошириш ва зарур ҳолларда чет эллик тажрибали мутахассисларни жалб қилиш орқали тиббиётни халққа яқинлаштириш, тиббий хизмат сифатини яхшилашдир.

Юртимиздаги барча ташкилотлар қатори Бухоро нефтни қайта ишлаш заводи ишчи-ҳодимлари ҳам махсуслот салмоғини ошириш, иқтисодиётга муносиб улуш қўшиш, жамоа моддий манфаатдорлигини таъминлаш, юртимизда кечаётган янгиланиш ва бунёдкорликларда ташаббус кўрсатиб, “Яшил макон” умуммиллий дастури доирасида “Нефтичилар” шаҳарчаси, Бухоро нефтни қайта ишлаш заводи ҳудудини ободонлаштириш ва қўқаламзорлаштириш ишларида ҳам жонбозлик кўрсатмоқда.

Айтиш жоизки, ўтган чорак асрдан зийд даврдаги фаолияти давомида Бухоро нефтни қайта ишлаш заводи нафақат вилоятимиз, балки юртимиз саноатининг ҳам муҳим объектларидан бирига айланди. Мамлакат иқтисодиёти учун стратегик аҳамиятга эга корхона нафақат бевосита фаолият қўлаи, балки, давлатимиз раҳбари томонидан илгари сурилган турли йўналишдаги ташаббусларнинг ижросини таъминлашда етакчи субъектлар қаторида туради. Сўнгги йилларда дунёда энер-



гия танқислиги кузатилаётган бир вазиятда мамлакатимизда ҳам кўп харажат ва ҳошаё ресурси эвазига ишлаб чиқариладиган анъанавий энергия ресурслари эвазига муқобил энергияни татбиқ этиш йўлга қўйилмоқда. Бу сазй-ҳаракат натижасида биргина вилоятимизнинг ўзида жаҳоннинг етакчи компаниялари билан ҳамкорликда ҳар бири 500 мегаватт соат қувватга эга электр энергияси ишлаб чиқарувчи ғиждувон ва Пешку туманларида шамол, Қорақўл туманида қуёш электр станциялари барпо этилмоқда. Шу билан бирга, вилоятимиздаги барча корхо-



на ва ташкилотлар томонидан ўз энергияси истеъмолчини муқобил электр энергиялари манбалари ҳисобидан қўллаш борасидаги ташаббуслар илгари сурилди.

Бухоро нефтни қайта ишлаш заводининг ўзига хос мўъжаз қуёш электр станцияси шундай ташаббусларнинг амалий ифодасидир. Бу борада Ўзбекистон Республикаси Президентининг 2023 йил 16 февралдаги “2023 йилда қайта тикланувчи энергия манбаларини ва энергия тежовчи технологияларни жорий этишни жадаллаштириш чора-тадбирлари тўғрисида”ги қарори ҳамда

“Ўзбекнефтгаз” АЖнинг 2023 йил 6 июндаги “Ўзбекнефтгаз” АЖнинг завод ва бошқармалари ҳамда корхоналарида энергетикакор қурилмаларни харид қилиш ва ўрнатишни жадаллаштириш тўғрисида”ги буйруғи дастуриламал бўлмоқда.

Уч гектар майдонни эгаллаган ва 3,5 мегаватт соат электр энергияси ишлаб чиқариш қувватига эга бўлган ушбу электр станцияси ишга тушиши натижасида эндиликда республикаимиздаги гигант саноат корхонаси деярли тўлиқлигича қайта тикланувчи энергия манбалари ҳисобидан қувватлантирилишга эришилади. Завод бино-иншоотларини иссиқ сув билан таъминлаш учун қуёш сув иситкичлари ҳам ўрнатилганлиги корхонада нафақат экологик, балки салмоқли иқтисодий самара берадиган энергия тежовчи технологияларни ривожлантиришга алоҳида эътибор қаратилаётганлигидан далолатдир.

Заводнинг муқобил энергия манбаи – қуёш электр станцияси қурилишида пудратчи сифатида масъулияти чекланган жамияти шаклидаги “Ogma projects” корхонаси, лойиҳачи сифатида “ARH Grand projects” хусусий корхонаси жамоалари алоҳида жонбозлик кўрсатишди.

Юртимиз саноатида муҳим иншоот бўлган Бухоро нефтни қайта ишлаш заводининг қуёш электр станциясини фойдаланишга топшириш маросимида вилоят ҳокими Ботир Зарипов иштирок этиб, нефтичилар жамоасини лойиҳа билан табриклади. Мазкур муқобил энергия қуввати заводнинг кўп йиллик барқарор фаолияти, аҳолининг турмуш фаровонлигига хизмат қилади.

“Янги тизим бизни аҳолига янада яқинлаштирди” – дейди маҳалла газчиси Шаҳноза Холиқова



Моҳиғул АБДУЛЛАЕВА, “Худудга Бухоро” газ таъминоти филиали матбуот котиби.

Ҳар қандай тизимда фаолият олиб бораётган ходимнинг ўз олдига қўйган асосий мақсади бўлади. Ана шу мақсад халқ фаровонлиги ва уларнинг яшаш шароитини яхшилашга хизмат қилиши билан аҳамиятлидир. Бундай эзгу мақсадли ходимлар газ таъминоти соҳасида ҳам кўплаб фаолият юритмоқда.

Маълумки, газ таъминоти тизимида “маҳаллабай” ишлаш тизими йўлга қўйилди. Бунда аҳоли ўз мурожаатини маҳаллада ташкил этилган тизим ходимига бемалол келиб айтиш имконига эга бўлади. Бухоро вилоятида ҳам бу жараёнлар намунали ташкил этилмоқда. Таъминот ходими ва истеъмолчи орасидаги масофа янада яқинлашди. Ишидан миннатдор Шаҳноза Холиқова – Наврўз, Бунёдкор, Қўқсарой, Мутаваккил Бурхон, Биҳиштиён, Шарк юлдузи, Шайх-ул олам, Баҳорзий маҳаллаларида маҳалла газчиси бўлиб фаолият олиб бормоқда.

Сухбатимиз давомида янги тизимнинг имкониятлари ва ишидаги масъулияти ҳақида унинг ўзи шундай деди:

– Бухоро шаҳрининг 8 та маҳалласида истикомат қилувчи аҳолига хизмат кўрсатаман. Фаолиятим масъулиятни талаб этади. Ҳар бир

истеъмолчининг характери ҳар хил, яшаш тарзи фарқ қилади. Шу боис, биздан энг аввало, ҳушмуомалалик талаб этилади. Сухбат ва мурожаатларни ҳал этишда босиқлик билан ёндашишимиз лозим. Мен масъул бўлган ҳудудда 16 минг нафардан ортиқ истеъмолчи яшайди. Кун давомида меҳнат вазифамдан келиб чиқиб, уларга сифатли хизмат кўрсатишга ҳаракат қиламан. Ушбу тизим ташкил этилгандан сўнг, истеъмолчи янада яқинлашиб, уларнинг муаммоларини зудлик билан ўрганишга ҳаракат қиляпмиз. Бу эса мурожаатларнинг камайишига хизмат қилаяпти.

Таъкидлаш лозимки, вилоят бўйича ушбу тизимнинг самарадорлигини янада ошириш мақсадида ташкил этилган 35 та йирик ҳудудда ҳудуд устаси ва маҳалла газчилари ўз фаолиятини масъулият билан олиб бормоқда.

Олис туманларда сув таъминоти яхшиланмоқда

Юртимизнинг жанубий सरҳадларидан бири, Туркменистон Республикаси билан чегарадош Олот ва Қорақўл туманларидан оқиб ўтувчи “Тайқир”, “Сарибозор”, “Янги Сойинкўл”, “Чандир” каналлари, “Оқ пўлат” ирригация тармоғида бетонлаштириш ишларининг сўнгги босқичи амалга оширилмоқда.

Уларда сув равонлигини таъминлаш ва оби ҳаёт исрофгарчилигининг олдини олиш орқали ўнлаб, балки юзлаб гектар экин ерларининг мелиоратив ҳолатини яхшилаш мумкин.

Реконструкция ишлари сўнгги босқичга кирган мазкур ирригация тармоқларини талаб даражасига етказилмоқда. Мазкур сув йўлининг 3 километр узунлигидан 35 метр кубгача ҳажмида оқиб ўтувчи “оби ҳаёт”ни минглаб гектар экин ерларига имкон қадар иқтисод қилган ҳолда, исрофгарчиликсиз етказиб бериш имконияти яратилмоқда.

Экин ерлари учун сўғориш тармоқлари, канал ва ариқларнинг ўрни ва аҳамияти хусусида кўп ва ҳўп гапириш мумкин. Айниқса, сув тақчиллиги яққол сезилаётган сўнгги йилларда жумладан, вилоятимиз деҳқонлари ҳам ерга уруғ сепаиб, ҳосил етиштиришда жиддий синовларга дуч келишаётгани ҳеч кимга сир эмас. Шу боис, ирригация тармоқлари, ариқлар очик ўзанларини бетонлаштириш ишлари нисбатан сув сарфини тўғри юритиш, оби ҳаётни экин еригача равон етказиб беришни таъминлайди. Бошқача айтганда, сўғориш каналларининг иш самарадорлигини кўтариш орқали фермер хўжаликлари фойдали иш коэффицентини ошириш бугун устувор аҳамиятга эга.

Мутахассисларнинг ҳисоб-китобларига кўра, бу икки олис туманнинг ирригация тармоқларида бир йил давомида ўртача 90 миллион куб метр ёки 30 фоиз сув иқтисодий самара-

сиз исроф бўлмоқда. Шу боис, бугунга келиб чекка туманларнинг бир нечта маҳалласи бўйлаб оқиб ўтувчи, ҳудудда ўнлаб фермер хўжалиги ва 1 минг 700 га яқин хонадон томорқа ерини сўғоришда катта аҳамиятга эга “Оқ пўлат” каналда тозалаш ва реконструкция ишлари нихоясига етказилмоқда. Мазкур сув йўлининг 3 километр узунлигидан 35 метр кубгача ҳажмида оқиб ўтувчи қиймати 4 миллиард сўм маблағ молиялаштирилган. Айни кунда бу ҳудудда “O’rta Osiyo suvqurilish” МЧЖ томонидан кенг қўламдаги бетонлаштириш ишлари амалга оширилмоқда.

Худди шундай, “Тайқир-2” каналида ва бошқа ирригация тармоқларида, хўжаликлараро ички сув йўлларида амалга оширилаётган бетонлаштириш ишлари ўз нихоясига етказилмоқда. Жараёнда таъминот ва ишчилар дуч келишаётган муаммолар ечимига эътибор қаратилаяпти. Шу билан бирга, масъулияти чекланган жамияти шаклидаги пудратчи “Sagimozog Trans” жамоаси томонидан фойдаланишга топшириш арасидаги Қўлчовдир маҳалласи “Бахт” массивидан оқиб ўтувчи канал устидаги кўприкда бораётган қайта реконструкция ишлари ҳам эътиборга молик.

Айтиш жоизки, умумий қиймати 2 миллиард 387 миллион сўмни ташкил қиладиган мазкур лойиҳа асосидаги реконструкция ишлари якунига етказилган бўлиб, узунлиги 36,6 метр, эни 10,7 метрни ташкил этадиган талаб даражасидаги кўприк айни кунда аҳолига фойдаланишга топширилган.

VATANGA XIZMAT QILISH –
OLIIY MAQSADIM

Mirfayzbek ABDULLAYEV, Qarshi shahridagi 4-maktab o'quvchisi.

Ayni damda Qarshi shahridagi 4-umumiy o'rta ta'lim maktabida tahsil olaman. Maktabda a'lo baholarga o'qishdan tashqari, O'zbekiston Yoshlar ittifoqi viloyat kengashi sardoriman.

Jahon miqyosida o'tkazilgan tadqiqotlarga qaraganda, "Tengdosh-tengdoshga" tamoyili bu eng samara beradigan tamoyillardan biri ekan. Demak, yoshlar biron bir mavzuda tengdoshi bilan suhbatlashsa, fikr almasha, samaradorlik yuqori bo'ladi. Men ham ana shu tamoyilga tayangan holda, tengdoshlarim uchun bir qancha loyihalarni amalga oshirdim.

Dastavval, sardorlik faoliyatim haqida to'xtaladigan bo'lsam, sardorlar 4-sinfdan 11-sinfgacha eng bilimli va eng faol yoshlardan iborat ko'ngilli o'quvchilar hisoblanadi. 4 yildan beri sardor sifatidagi faoliyatim davomida atrofdegilardan "Sardorlik senga nima beradi?" degan savolni ko'p eshitaman. Sardorlik menga birinchi navbatda notiqlik qobiliyati, jamoani boshqarish, mustaqil loyihalar yaratish kabi ko'nikmalarimni rivojlantirishga yordam berdi.

2023-yilning dekabr oyida respublikamizning barcha hududlarida "Rahbar va yoshlar" uchrashuvlari o'tkazilgan edi. Jumladan, Qashqadaryoda ham viloyat hokimi Murotjon Azimov ishtirokida "Hokim va yoshlar" uchrashuvi o'tkazilishini eshitib, "Qanday takliflar bersam ekan?" deya o'ylanib qoldim. Uchrashuvda viloyatimiz rahbariga eng namunali va eng iqtidorli maktab o'quvchilari uchun "Viloyat hokimi stipendiyasi"ni joriy etish bo'yicha taklifim-



ni bildirdim. Murotjon Azimov bu taklifimni qo'llab-quvvatlab, amalga oshirish bo'yicha mas'ullarga ko'rsatma bergandi.

Joriy yilning 13-yanvarida esa viloyat hokimining "Viloyatdagi eng namunali va eng iqtidorli o'quvchilar uchun Viloyat hokimi stipendiyasini joriy etish to'g'risida"

gi qarori qabul qilindi. Bu xabardan nafaqat men, balki butun Qashqadaryo o'quvchilari juda xursand bo'ldi. Ushbu qarordan ruhlanib, Qarshi shahridagi Yoshlar markazida intiluvchan va iqtidorli o'quvchilar uchun "Bolalar forumi"ni tashkil etdik. Forumda "Zakovat" intellektual o'yini, insholar tanlovi



hamda mediasavodxonlikni oshirishga qaratilgan uchrashuvlar tashkil etildi. Ahamiyatli jihat, forumda Qashqadaryo viloyatining barcha 16 ta tuman va shaharlaridan ishtirokchilar faol qatnashdilar.

Ayni paytda tengdoshlarimning intellektual salohiyatlarini yuzaga chiqarish maqsadida "Intellektual olimpiada" loyihamizga start berdik. Olimpiadada "Munozara", "Kamalak Quiz" hamda "Ekologik muammolar bolalar nigohida" kabi loyihalar o'tkazilishi rejalashtirilgan. "Munozara"da dolzarb mavzular yuzasidan maktab o'quvchilari bahslar olib borib, bir-birlari bilan fikr almashishadi. Bir so'z bilan aytganda, bugunning yoshlari katta maqsad va orzularga ega, kuch va g'ayratga to'lib-toshgan.

Bu yilning "Yoshlar va biznesni qo'llab-quvvatlash yili" deb e'lon qilinishi ham davlatimiz rahbarining biz uchun alohida qo'llovi, iste'dodimizni namoyon etish uchun ajoyib chaqiriq deb bilaman. Biz bundan keyin ham manfaatli loyihalar tashkil etishdan to'xtamaymiz, bor kuch va g'ayratimizni Ona Vatanimiz uchun sarflab, vatan ravnaqiga kamarbasta yoshlar bo'lishga va'da beramiz.

Shu Vatanga, ona xalqimga xizmat qilish, har jihatdan unga munosib bo'lish oliy maqsadim. Zero, butun kelajagimni Vatan taraqqiyotidek oliy bir maqsad ustiga qurishga astoydil kirishganman. Bugun barcha imkoniyatlar mavjud, kurashdan to'xtamang, yoshlar!

Журналистлар
саноат корхоналари
билан танишди

Юқори Чирчиқ туманидаги саноат зоналари, йирик қурилиш объектларида олиб борилаётган ишлар ҳамда аҳоли бандлигини таъминлаш борасидаги сўй-ҳаракатлар билан яқиндан таништириш мақсадида журналистлар учун пресс-тур ташкил этилди.



Сўнгги йилларда туманда саноат тармоқлари фаолияти анча ривожланди. Бу йил биринчи чорақда экспорт прогност режаси 19 миллион 74 минг доллар бўлиб, амалда бу 104.2 фоизга бажарилган. Давлат дастури доирасида 486,9 миллиард сўмлик 30 та лоийҳа амалга оширилиши натижасида 1 минг 151 та янги иш ўрни яратилиши режалаштирилган. Хусусан, уларнинг асосий қисми саноат йўналиши улушига тўғри келади.

Пресс-тур иштирокчилари ҳудуддаги йирик "ACWA Power" қуёш энергияси лоийҳаси билан танишди. Бу ерда Президентимизнинг ташаббуси билан катта ҳажмдаги ишлар амалга оширилмоқда. Ҳозир 200 мегаваттлик қуёш электр станциясининг 50 фоизи қуриб битказилган ва май ойида асосий тармоққа уланади. Лоийҳанинг қолган қисми жорий йилнинг иккинчи чорақда ишга тушади. Аини пайтда бу ерда 800 нафар ишчи меҳнат қилмоқда.

Мутахассисларнинг таъкидлашича, келгусида ҳудуд бўйича электр энергиясини аҳолига етказиб беришда янада қулайликлар яратилади. "AZIYA TASHKENT TEXTILE" корхонасидаги кузатувлар таассуротларга бой бўлди. 2022 йилда амалиётга жорий қилинган мажмур лоийҳа қиймати 54,4 миллион долларга тенг. Бу ерда йилига 300 миллиард сўмлик 10 минг тонна ип-калава маҳсулотлари ишлаб чиқарилади. Барча технологик ускуналар Швейцария ва Италия давлатларидан келтирилган. Шу билан бирга, 900 та иш ўрни яратилган.

– Корхона фаолиятини бошлаганига кўп бўлмади, аммо хориж бозорларига ўз маҳсулотларимиз билан кириб бораёلمиз, – дейди корхона раҳбари Санжар Ёқубжонов. – Жорий йил бошидан бери 13 миллион долларлик маҳсулот ишлаб чиқарилиди. Харидорларнинг ҳамкорлик борасидаги таклифлари жуда кўп. Имкониятдан келиб чиқиб, талабни бажаришга ҳаракат қилмоқдамиз. Корхонада ишлаб чиқариш тармоғини кенгайтириш эвазига ишчилар сонини 2 мингтага етказиш режалаштирилган. Бундан ташқари, маҳсулотлар турини кўпайтириш орқали экспорт ҳажми оширилади.

Шундан сўнг журналистлар "Yuqorichirchiq energy systems" масъулияти чекланган жамиятида амалга оширилаётган ишларни ҳам кузати. Ҳозир бу ерда 200 хилдаги мис ва алюмин кабел маҳсулотлари тайёрланади. Мутахассисларнинг таъкидлашича, маҳсулотларнинг 80 фоизи Германия, Туркия, Беларусь, Россия каби давлатларга экспорт қилинмоқда. Утган йили 30 миллион доллар қийматидаги маҳсулотлар четга сотилган бўлса, жорий йил бу кўрсаткични 50 миллион долларга етказиш мақсад қилинган. Корхона ишчиларининг асосий қисмини ёшлар ташкил этади, деб хабар қилади УИА муҳбири Абдулазиз Мусаев.

Пресс-тур давомида журналистлар мутахассислар ва ёшлар билан суҳбатлашди. Ҳудудда олиб борилаётган ишлар юзасидан ўзларини қизиқтирган саволларга атрофлича жавоб олди.

ТУФИЛГАН КУНИНГИЗ
МУБОРАК БЎЛСИН!

2024 йил апрель ойининг 23-29 саналарида
таваллуд айёмларини нишонлайдиган

Ўзбекистон Республикаси Қурилиш ва уй-жой коммунал хўжалиги вазирлиги мурожаатлар билан ишлаш ва диспетчерлик хизмати бўлими етакчи мутахассиси **Бобур Эшболтаев**, Архитектура ва шаҳарсозликни ривожлантириш бошқармаси бошлиғи ўринбосари **Жаҳонгир Анваров**, ДХШ ва инвестиция дастурларини шакллантириш, реновация лоийҳаларини мувофиқлаштириш бошқармаси бош мутахассиси **Бобуржон Омонов**, Қурилиш ва уй-жой коммунал хўжалиги соҳасида ҳудудий назорат қилиш инспекцияси Ичимлик сувидан оқилона фойдаланиш ва сотишни мувофиқлаштириш ҳамда оқова сув хизматларидан фойдаланиш бўлими бош мутахассиси **Фаррух Худаяров**, Ер ости сувларидан фойдаланишни мувофиқлаштириш бўлими бош мутахассиси **Сардор Дадабаев**, "Shaharsozlik hujjatlarini ekspertiza qilish Respublika markazi" ДМ Ииға таҳлил ва методология бошқармаси бошлиғи **Тўлқин Хайруллаев**, бош мутахассислар **Зокир Мирбобоев**, **Дилафруз Батирова**, етакчи мутахассис **Асадбек Аҳмедов**,

"Коммунал лоийҳа илмий-тадқиқот институти" Давлат муассасаси муҳандис-геолог **Умиджон Тошматов**, бўлим бошлиғи **Шерзод Гулматов**, муковачи **Василий Исайкин**, "Хоразм" филиали етакчи муҳандиси **Давлатёр Курбанов**,

"Қишлоққурилишлойиҳа" МЧЖ бош лоийҳа қидирув институти бош директори ўринбосари – бош муҳандис **Сапабек Сапаев**,

"O'zog'iranoatloyiha" АЖ бош директори **Бехзод Хазратқуллов**, таржимон **Ибрагим Саминов**, Электр техника ва автоматик бўлими етакчи мутахассиси **Эркин Каримов**, бош мутахассислар **Галина Яценко**, **Людмила Глухова**, **Зульфия Тулпанова**, катта муҳандис **Мирзобит Мирқошипов**, етакчи муҳандис **Светлана Случ**,

"Ташгипрогор" АЖ гуруҳ раҳбари – архитектор **Ирина Ким**, Архитекторлар гуруҳи раҳбари **Фарида Шарафуддинова**,

"O'zshaharsozlik LITI" ДМ Шаҳарсозлик ҳужжатларини ишлаб чиқиш бошқармаси бошлиғи ўринбосари **Шадиёр Шаназаров**, Шаҳарсозлик ҳужжатларини ишлаб чиқиш бошқармаси 7-устaxonаси 2-тоифали иқтисодчиси **Насиба Муҳримова**, "Қашқадарё" филиали 2-тоифали муҳандиси **Азизбек Имонов**,

Қорақалпоғистон Республикаси Нукус шаҳар қурилиш ва уй-жой коммунал хўжалиги бўлими бош режаларни амалга ошириш ва объектларни жойлаштириш бўйича архитектори **Абдирахим Мнажов**, Чимбой тумани қурилиш ва уй-жой коммунал хўжалиги бўлими шаҳарсозлик конунчилигига рояя этиш устидан назорат олиб бориш бўйича архитектори **Эркинбай Абдибаев**, Қўнғирот тумани қурилиш ва уй-жой коммунал хўжалиги бўлими бош режаларни амалга ошириш ва объектларни жойлаштириш бўйича архитектори **Сарвиноз Султанмуратова**,

Бухоро вилояти Жондор тумани қурилиш ва уй-жой коммунал хўжалиги бўлими бош мутахассиси **Шаҳзод Воҳидов**, Бухоро вилояти Қурилиш ва уй-жой коммунал хўжалиги бош бошқармасининг хўжалик ҳисобида фаолият юритувчи бўлими етакчи мутахассислари **Маҳмуд Мирзоев**, **Жасурбек Турсунов**, Шофиркон тумани қурилиш ва уй-жой коммунал хўжалиги бўлими бош мутахассиси **Алишер Рафиқов**,

Девонхона ва ижро назорати бўйича бош мутахассис **Диловар Абдуллаева**, Қоровулбозор тумани қурилиш ва уй-жой коммунал хўжалиги бўлими бош мутахассиси **Илҳон Ҳақназаров**, Қурилиш ва уй-жой коммунал хўжалиги соҳасида ҳудудий назорат қилиш инспекцияси бош инспектори **Жасур Мухтаров**,

Жиззах вилояти Қурилиш ва уй-жой коммунал хўжалиги соҳасида ҳудудий назорат қилиш инспекцияси шартномалар бўйича мутахассиси **Баҳодир Давжонов**, "Shaharsozlik hujjatlarini ekspertiza qilish Respublika markazi" ДМ Жиззах вилояти бошқармаси Смета қурилишнинг ташкил этиш технологияси ва махсус ишлар бўлими етакчи мутахассиси **Эшмирза Қўлматов**,

Тошкент шаҳар Қурилиш бош бошқармаси бош мутахассиси **Санжар Қазоқов**,

Фарғона вилояти Қурилиш ва уй-жой коммунал хўжалиги бош бошқармаси бош юрисконсулти **Адхамжон Ёрқўзиев**, Кўп квартирالي уйлари бошқариш тизимини ривожлантириш ва реновация лоийҳаларини амалга ошириш шўъбаси бошлиғи **Илҳонжон Эшимбоев**,

Хоразм вилояти Қурилиш ва уй-жой коммунал хўжалиги бош бошқармаси инсон ресурсларини бошқариш бўйича бош мутахассиси **Дилфуза Матякубова**, Архитектура ва ҳудудларни ривожлантиришни режалаштириш шўъбаси бошлиғи **Сафарбой Отажанов**, Шовот тумани қурилиш ва уй-жой коммунал хўжалиги бўлими архитектура ва қурилиш соҳаси бўйича бош мутахассиси **Баратжон Байжанов**,

Қорақалпоғистон Республикаси Тўртқўл туманидаги "Kns-Yangi-Avlod" МЧЖ БСК бош директори **Баҳадир Абдуллаев**,

Бухоро вилояти Когон шаҳридаги "Baxshullo Kamoliddin" МЧЖ БСК бош директори **Алишер Камолов**,

Навоий вилояти Навоий шаҳридаги "Нуробод гулшани коммуналчи" МЧЖ БСК бош директори **Шерзод Қудратов**,

Наманган вилояти Норин туманидаги "Янги Уйлар истиқболи" МЧЖ БСК бош директори **Элёрбек Абдухаликов**,

Фарғона вилояти Фарғона шаҳридаги "Safort Konsensus Kommuna" МЧЖ БСК бош директори **Чарос Камчиева**, "Фарғона Адолат коммуналчи" МЧЖ БСК бош директори **Ҳалима Одилова**,

Хоразм вилояти Урганч шаҳридаги "Юксак коммунал хизмат ПБК" МЧЖ бош директори **Куранбой Шокиров**, Гулран туманидаги "Гулран Элёр курувчи ПБК" МЧЖ бош директори **Аминбой Нурметов**,

Тошкент шаҳар Шайхонтоҳур туманидаги "Дилроз Обод ПБК" МЧЖ бош директори **Дилдора Саидова**, Юнусobod туманидаги "Гео сервис таъмир" МЧЖ БСК бош директори **Ақбар Назаров**, Яшнобод туманидаги "Shinam Uy-Joy" МЧЖ БСК бош директори **Сарофроз Тожиевларни** таваллуд куни билан чин дилдан муборакбод этамиз.

УЛАРГА СИҲАТ-САЛОМАТЛИК, УЗОҚ УМР, ОИЛАВИЙ ХОТИРЖАМЛИК, МУСТАҲКАМ СОҒЛИҚ ТИЛАЙМИЗ!



IQTIMOIIY-IQTISODIIY GAZETA
**O'ZBEKISTON
BUNYODKORI**
СТРОИТЕЛЬ УЗБЕКИСТАНА

ТАҲРИР ҲАЙЪАТИ:

Батир Закиров
(Тахрир хайъати раиси),
Шерзод Хидоятлов,
Давронжон Адиллов,
Озода Жураева,
Козим Туляганов,
Юлдаш Мағрупов,
Жамшид Исмаилов,
Бобир Элмуродов,
Қудратбек Хошимбеков.

ТАҲРИРИЯТ:

Бош муҳаррир	Дилшод Жалолов
Бош муҳаррир ўринбосари	Райҳона Ҳўжаева
Саҳифаловчи	Акмал Махкамов
Мусахҳиҳ	Марҳамат Мусулмонқулова

Газета "Ўзбекистон бунёдкори"
Наشريёт уйи МЧЖ томонидан
нашрга тайёрланди.

"ЎЗБЕКИСТОН БУНЁДКОРИ"
НАШРИЁТ УЙИ МЧЖ
МУАССИСЛАРИ:

Ўзбекистон Республикаси
Қурилиш ва уй-жой коммунал
хўжалиги вазирлиги,
"Ўзсаноатқурилишматериаллари"
уюшмаси, "ЎЗАШКЛИТИ" ДУК,
"ЎзшаҳарсозликЛИТИ" ДУК,
"Қишлоқ қурилиш инвест" ИК МЧЖ,
"ЎзгеорангметЛИТИ" ДУК.

ТАҲРИРИЯТ МАНЗИЛИ:

100011, Тошкент шаҳри,
Навоий кўчаси, 18-уй.
Телефонлар:
71-241-01-29 (қабулхона),
71-241-01-43 (таҳририят),
71-241-01-29 (бухгалтерия),
71-208-12-00 (реклама ва обуна
бўлими).
E-mail: info@uzbunyodkor.uz

ҲУДУДЛАРДАГИ МУХБИРЛАРНИНГ
ТЕЛЕФОН РАҚАМЛАРИ:

**Қорақалпоғистон
Республикаси:** 90-658-50-43.
Андижон вилояти: 91-479-55-11.
Бухоро вилояти: 99-704-66-69.
Жиззах вилояти: 99-525-30-05.
Қашқадарё вилояти: 90-287-50-29.
Навоий вилояти: 99-731-17-40.
Наманган вилояти: 91-365-07-36.
Самарқанд вилояти: 95-560-30-45.
Сирдарё вилояти: 94-916-99-77.
Сурхондарё вилояти: 97-847-30-11.
Фарғона вилояти: 90-349-55-56.
Хоразм вилояти: 97-790-47-61.

Газета 2016 йил 25 июлда
Ўзбекистон Матбуот ва ахборот
агентлигида 0874-рақам билан
рўйхатга олинган.
Нашр индекси – 466.
Буюртма – Г-441.
1688 нусхада босилди.
Қоғоз бичими А-2.
Ҳажми – 2 табоқ, офсет усулида
босилган. Баҳоси келишилган
нархда. ISSN 2181-8762.
Тахририятга келган қўлёзмалар
тақриз қилинмайди ва муаллифга
қайтарилмайди.
Газета тахририят компьютер
марказида терилди ва саҳифаланди.
Газетанинг полиграфик жиҳатдан
сифатли чоп этилишига
"Шарқ" наشريёт-матбаа
акциядорлик компанияси масъул.

КОРХОНА МАНЗИЛИ:

Тошкент шаҳри,
"Буюк Турон" кўчаси, 41.

Навбатчи муҳаррир – Р. Ҳўжаева.
Навбатчи – А. Ҳақбердиев.

ЎЗА якуни – 20.50.
Топширилди – 21.40.

1 2 3 4 5 6

Газетанинг навбатдаги сони
2024 йил 30 апрель куни чиқади.